



Inatsisartuni ilaasortaq  
Karl Lyberth  
Siumut  
/maani

27. december 2011

## Sannarlutat sananermilu kukkusar pillugit – qularnaveeqqusiissutit

Sags nr. 2011-059397  
Dok. Nr. 792129  
Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl  
www.nanoq.gl

Asasara Karl Lyberth

Aallarniutigalugu Namminersorlutik Oqartussat illuutaanni sannarlutat sananermilu kukkusar pillugit apeqquteqarninni qutsavigerusuppakkit. Siullermik apeqqutitit allanneqarput, tamatumalu kingorna akissutikka allanneqarlutik.

Ajornartorsiuterpassuit, ukiuni makkunani inissiat sulliviillu oqoqarnerannik pinngortut eqqortumik sanaartornissatta iluarsaassinissattalu eqqarsaatiginissaanut tunngaviliipput. Taamaattumik aamma Namminersorlutik Oqartussani sanaartornermut immikkoortortaqarfiup INI Byggeteknik suleqatigalugu sanariaatsit, maannamut illuliat oqoqalertarnerinut pissutaasut allanngortinniarlugit immikkut ittumik suliniuteqarnera toqqissisimaffigaara.

### Apeqqutigaaatit:

**Inissialiornerni assigiinngitsuni sanasut sulianik ingerlatsisut sannarlutaasinnaasut, kukkussutaasinnaasullu allat pillugit qanoq annertutigisumik, qanorlu sivilutigisumik atuuttumik qularnaveeqqusiisarpat?**

Kiisalu

**Inissianut, allanullu illunut pisortat pigisaannut nutartertariaqalersimasunut nutarterinerni, iluarsaassinerni sanasut sulianik ingerlatsisut sannarlutaasinnaasut, kukkussutaasinnaasullu allat pillugit qanoq annertutigisumik, qanorlu sivilutigisumik atuuttumik aamma qularnaveeqqusiisarnissaat piumasaqaataava?**

AKISSUT: Namminersorlutik Oqartussat, ingerlatseqatigiiffiit Namminersorlutik Oqartussat aalajangiinissamut sunniuteqarfigisinnaasaat kiisalu kommunini oqartussaasut AP 95 (Kalaallit Nunaanni sanaartornermi suliassanut pilersuiner-mullu ataatsimut piumasaqaatit) naapertorlugu sanaartugassanut neqerooruteqartitsisarput.

AP 95-imi kukkunernut amigaatinullu qularnaveeqqusiinissaq iluarsaassinissarlu pillugit imaattunik aalajangersaasoqarsimavoq:

*Suliassanut 5 mio. koruunit sinnerlugit naleqartunut entreprenørinut isumaqatigiissusi-ornerit ataatsimut isigalugit, entrepenørrip suliamik tunniussinissami*

*tungaanut sanaartugassap akiata 15%-ianik qularnaveeqquteqartussaavoq. Tamatuma kingorna qularnaveeqqusiissut suliassap akiata 10%-ianik annertussusilerneqassaaq.*

Suliap tunniunneqarneraniit ukiup ataatsip qaangiunnerani qularnaveeqqusiissut suliap akiata 2%-ianik appartinneqassaaq, tassani sanatitsisoq kukkunernik amigaatinillu iluarsaassinissamut piumasaqaateqarsimangippat. Kukkuernerusinnaasut amigaataasinnaasullu iluarsineqareernerisa kingorna qularnaveeqqusiissut suliap akiata 2%-ianik appartinneqassaaq. Qularnaveeqqusiissutigineqartoq suliap tunniunneqarneraniit ukiut tallimat qaangiunnerini atorunnaavissaaq, tassani sanatitsisoq kukkunernik amigaatinillu iluarsaassinissamut piumasaqaateqarsimangippat. Taamatulli pisoqarsimappat, kukkuernerusinnaasut amigaataasinnaasullu iluarsineqareernerisa kingorna qularnaveeqqusiissut atorunnaassaaq.

Ataatsimut isigalugu kukkunerit amigaatillu, suliap tunniunneqarnerani paasineqartut iluarsaannissaannut entreprenøri pisussaaffeqarpoq pisinnaatitaaffeqarlunilu. Tamatuma saniatigut suliap tunniunneqarneraniit kukkunerit amigaatillu, tunniussinermit paasineqartut ukiut tallimat tikillugit iluarsaatissallugit entreprenøri pisussaavoq pisinnaatitaaffeqarlunilu.

Kiisalu suliap naammassinerani kukkunerit amigaatillu pissutaallutik annaasanut entreprenøri taarsisussaataitaavoq, kukkunerit amigaatillu entreprenørip tungaaniit sumiginnaanermik pissuteqarsimappata.

#### **Aamma apequtigaat:**

**Ukiuni kingullerni tallimani inissialiornerni assigiinngitsuni sannarlutaasinnaasunut kukkussutaasinnaasunullu allanut qularnaveeqqusiinerit atorlugit iluarsartuussinerit qanoq amerlatigisut, qanorlu annertutigisut ingerlanneqarsimappat?**

AKISSUT: Sanaartukkani, INI Byggeteknik aqutugalugu Ineqarnermut, Attaveqarnermut Angallanermullu Naalakkersuisoqarfimmit aqunneqartuni ukiut tallimat kingullit ingerlanerini qularnaveeqqusiissutinik atuisoqarsimangilaq. Sanaartukkat tunniunneqarnerini kukkuneqartoqartarsimanginnera amigaateqartoqartarsimanginneralu tamatumunnga pissutaanngilaq. Sanaartukkat 100%-ingajaanni tamanna nalaatassaasarmat. Kisiannili pisut amerlanersaanni ukiup siulliup ingerlanerani iluarsaassisoqartarpoq. Ilaatigut entreprenørit sanaartortitsisup naammagisimaagaanik sanaartukkanik naammassinnikkusuttarnerat tamatumunnga pissutaavoq – ilaatigullu akiligassat naammassineqarnissaannut atatillugu aningaasanik naammatuninik nakkutilliisut unerartitsisarnerat, taamaalillunilu ajornerpaamik pisoqartillugu entreprenørip allap kukkunernik amigaatinillu iluarsaassitinnissaanut akissaqalertarneq pissutaalluni.

Entreprenøri amigaatinik iluarsaassinissani sioqqullugu akiliisinnaajunnaarsimappat – imaluunniit entreprenøri kukkunernik amigaatinillu iluarsaassiumangippat – aatsaat qularnaveeqqusiissutit atorneqartarput. Pisumi kingullermi Eqqartuussiviup Isumaqatigiisitsiniartartup aalajangiineratigut akiliisoqartarpoq.

Sanaartornermi inatsisinut tunngasut sillimmataapput, taakkulu ajoqusertoqartillugu aatsaat atorneqarsinnaapput. Akissutinni aallarniutigalugu oqareernittut isumaqarpunga, siumukassagutta Kalaallit Nunaannut naleqqussakkanik pitsaanagerusunik sanaartornikkut tamanna pisinnaasoq. Tassani sanaartornermi illuatungeriit siunissaq pilersinniarlugu suleqatigiittariaqarput.

Inussiarnersumik inuulluaqqusillunga

Jens B. Frederiksen